

Ekap Yakoboŋâ kulengoip.

Mâsimâsikâgât bonŋâ.

¹ Nâ Yakobo, Anutu sot Kembu Yesu Kristo, zekât kore aŋâ. Kembugât a kâmut gakârâp siŋsururuŋ op âi ândie, zen sâm sâtâre otziŋgâm ekap zi kulemguan.

² Bukurâpnâ, zeŋgâren mâsimâsikâ top top muyagei nâŋgâne sâtâreŋoot upap.

³ Zen itâ nâŋgâbi. Zen mâsimâsikâyân ândine zeŋgâren kâtigigiŋ, zo muyagibap.

⁴ Oi kâtigigiŋ, zo zeŋgâren bonŋâ muyagem kâtigibap. Oi muyagei zen umgât sikum Anu-tugât den mân kârum tosaziŋ buŋ op hâlâlu ândibi.

Nâŋgânâŋgâ kârum Kembugâren ninâu sânat.

⁵ Zeŋgâren gâbâ ŋâiŋâ nâŋgânâŋgâ kârum Anutugâren ninâu sâi pindâbap. Anutu zâk a sâm bâliŋ den zo mân dâtnâŋgom um bâbâlaŋŋaŋgârâk nâŋgânâŋgâ âlipŋâ niŋgâmap.

⁶ Zorat a um zagât opŋâ buŋâ, Kembu nâŋgâm pâlâtâŋ kwâkŋaŋgâm ninâu sâbi. Ka a um zagât upap, zo pibâ gâi saru âbâŋgum âim gâmap, zo yatâ upap.

⁷⁻⁸ A yatâ zo Kembugâren ninâu gât hâuŋâ mim-batkât sâi mân pindâbap. Um zagât op gulip ândimap, yatâ zorâŋ mân pindâbap.

Sikumziŋ zâizâiŋ zorâŋ bonŋâ buŋâ.

⁹ A ziŋ a kanpitâ zâkkât nâŋgâne giginâ opmap. Ka Anutuŋâ a zo a bonŋâ kwânâŋgi sâtâre patâ upap.

¹⁰ Oi yatigâk a ziŋ a sikumŋoot zâkkât nâŋgâne zâizâiŋ opmap. Ka Anutuŋâ a yatâ zo zâkkât sikumŋoot zorat nâŋgi giginâ opmap. Pâliŋpâliŋ neule bâloŋâ kek âmbârâŋgâm gemap, zo yatik a sot sikumŋâ kek buŋ opmap.

¹¹ Mirâsiŋ takâmŋâ hibuk bâloŋâ egi âkâm gem neuleŋâ buŋ opmap. Zo yatik sikum a nepziŋâ tânâmŋan birâm neule yatâ op buŋ upi.

¹² Nâi zâk mâsimâsikâyân kâtigibap, zâkkât nâŋga sâtâreŋoot uap. Zâk kâtigem umŋâ oi ândei Kembuŋâ sâŋgânŋâ pindi ândiândi kâtik ândibap. Zo umziŋâ zâkkâren kinzap, zeŋgât siŋgi sâip.

Mâsimâsikâgât den.

¹³ A ŋâi, zâk bâliŋaŋgât mâsimâsikâgât itâ mân sâbap, “Anutuŋâ bâliŋaŋgât mâsikânigap.” Bâliŋaŋgât mâsimâsikâ, zo Anutugâren mân ziap. Zâkŋâ a ŋâi bâliŋaŋgât mân mâsikâbap.

¹⁴ Mâsimâsikâ zo itâ muyagemap. Nâi zâk zikŋak âkŋâleŋandâ diimap.

¹⁵ Oi âkŋâleŋâ kâmbô kwap katep mimbap, kutŋâ bâliŋâ. Bâliŋandâ lâmbatŋâ sâk sot um ârândâŋ mumuŋ op simgât siŋgi upabot.

¹⁶ Bukurâpnâ, um gulip upegât gasâziŋ kârâm ândibi. Bâliŋâ, zo hânân gâbâ âsagemap. Âlipŋâ, zo sumbemân gâbâ âsagemap.

¹⁷ Kut ŋâi ŋâi âlipŋâ top top, zo uren gâbâ âsakŋâ Ibâ kânok, zâkkâren gâbâ gemap. Zâkkâren, kâin yatâ, kwâtepmâtep mân ziap.

18 Anutuñâ nângâm sâlâpkuipkât den bonñandâ nan bârarâp muyageniñgip. Oi zâkkât arâp zeñgât teñgâyân kândom op kinatkât yatâ ot- niñgip.

Den nângânângân zorânjâ buñâ, luluñâ zorânjâ bonñâ.

19 Bukurâpnâ, zen nângânek. Anjâ den nângânatkât bâbâlañ utnat. Den sâsânj sot kuk den sâsânj, zorat yâmbârinat.

20 A kuk orotñâ, zo Anutugât târârak mâtâp zo wâlâp.

21 Zorat zen um sumun sot gâñgoñâ zo birâm mulunân ândim sinji âlip den umziñan pâip, zo buku op mem ândibi. Zorânjâ um dâpziñ kubik- papkât imbañâ zemñângap.

22 Zen den kindapñak mân nângâbi. Buñâ. Nângâm lubi. Njai zâk kindapñak nângâbap zo ko umñâ kâitkum simgât sinji upap.

23 Njai zâk den nângâm mân lubap, zâk anjâ si sâñgânziñ niniñgurân ikme, zo yatâ upap.

24 Zen si sâñgânziñ ekñâ birâm âim tobatziñ nelâmzângomap.

25 Njai zâk Kembangât gurumin den bonñâ nângâm lum kâtigem ândibapñâ bonñâ ek âkñâlem op ândibap.

Sinji âlibân ândiândigât den.

26 Njai zâk sinji âlibân ândiman sâm lâu sâput mân galemgumap, zo ko umñâ kâitkumap. A yatâ zorânj sinji âlibân ândiândiñ zo yenñâ upap.

27 Malâ mandu umbâlâ op ândine ziñgit on galem otziñgâbi. Oi hânân bâliñâ ziap, zo

umziŋ sumunkombapkât kândâtukubi. Zen yatâ op ândinetâ Anutuŋâ ziŋgiri âlip oi itâ sâbap, “Siŋgi âlip mem ândie.”

2

Sikumziŋoot sot kanpitâ zo dâbâk otziŋgâbi.

¹ Bukurâp, zen âsakŋâ mariŋâ, Kembuniŋ Yesu Kristo, zâkkâren nâŋgâm pâlâtâŋ kwâkŋaŋgâmeŋâ a zâizâiŋ gigiŋâ kut ŋâi ŋâi hâtubâtu mân otziŋgâbi.

² Nâ itâgât san. Yesugât a kâmut mindu-minduziŋan a ŋâi, lomba a, kamân ŋâin gokŋâ zâk hâmbâ neulenoot sâŋgân zâizâiŋ gâi a ŋâi, lomba a, kamân ŋâin gokŋâ hâmbâŋâ alâkŋâ pam kândâtŋan gâbap.

³ Oi zen a hâmbâ neulenoot zo ekŋâ itâ sâm dukubi, “Gâ zi ga. Tâtat âlipŋâ mâteyân zi ge tat.” Yatâ sâm a kanpitâ itâ dukubi, “Gâ ândi kin mo kian giŋŋan ge tat.”

⁴ Zen a zeŋgât holiziŋâ mân nâŋgâm yatâ upme. Zen zo yatâ osetziŋan hâtubâtu otziŋgâme. Yatâ op Kembugât mâtâp gulipkume.

⁵ Bukurâpnâ, den sa nâŋgânek. Anutuŋâ a dap yatâ zo gâsum sâlâpzâŋgoip? Hânân a kanpitâ ândime, zen nâŋgâm pâlâtâŋân umgât gom sambe opŋâ Anutu um topŋan ândibigât gâsum sâlâpzâŋgoip. Zo a umziŋandâ zâkkâren kinmap, zeŋgât siŋgi sâip.

⁶ Oi zen ko a kanpitâ sinziŋ giŋŋandâ ziŋgitme. A ikâ ziŋ denân zâmbanme? A sikumziŋ patâ zorâŋ kâsa otziŋgâm denân zâmbanme.

⁷ Oi a sikumziṅoot ziṅ Yesugât kutsiṅgi âlip kwâkniṅan zariṅ, zo sâṁ bâliṅ kwapme.

Den ṅâi lum ṅâi birâbirâṅ, zo mân dâp uap.

⁸ Gikaṅgât opmat, yatik bukugaṅgât upan. Den kâtik kombânṅâ zo yatâ Kembraṅgât ekabân kulemgune ziap. Zo lune perâkṅak âlip upap.

⁹ Ka a sât hâtubâtu otziṅgâbi zo ko bâliṅ utne gurumin den zorânṅâ topziṅ sâṁ muyagibap.

¹⁰ ṅâi zâk gurumin den nâmbutṅâ lumṅâ ṅâi birâbap, zo den ku a upap.

¹¹ Zorat sâbâ. A ṅâigât ambân, zâk sot mân ândiban sâip, zâkṅagâk gâ kâmbam mân kumban sâip. Oi gâ a ṅâigât ambân sot mân ândimṅâ a kâmbam kumban zo ko gâ den ku a upan.

¹²⁻¹³ A ṅâi um lâklâk buṅ otziṅgâmap, zâk gâtâm Anutuṅâ yatigâk um lâklâk buṅ okṅaṅgâbap. Ka a um lâklâk op buku otziṅgâbap, zâkkât topṅâ Anutuṅâ sâṁ muyagei Kembraṅgât mâteṅan keṅgât buṅ kinbap. Zorat gurumin den zorâṅ topniṅ sâṁ muyagibap. Zo nâṅgâm kwâtâtemṅâ um lâklâk op târârak op ândibi.

Nâṅgâm pâlatâṅ bon buṅâ sot gukupitṅâ.

¹⁴ Bukurâpnâ, a ṅâi nâ nâṅgâm pâlatâṅ sot ândian sâbap, oi buku mân otziṅgâbap, zâk nâṅgâm pâlatâṅṅâ zo dap op tâmbet agoaṅṅan gâbâ mâkâbap?

¹⁵⁻¹⁶ A mo ambân ṅâiṅâ hâmbâ, sâk pâke mo naleṁ kârum ândei kâmut zeṅgâren gâbâ ṅâiṅâ mân beṅṅan memṅâ itâ dukubap. “Gâ âlip âi ândiban. Gâ pateṅ opatkât sâkkâ kâpiban. Gâ

nalem nem âkon upan.” Nâi zâk lâunandik yatâ sâmbap op beknjan mimbap?

¹⁷ Zorat a nâi nângâm pâlâtân sot ândian sâmbap buku mân otzingâbap, zâkkât nângâm pâlâtân zo mumunâ sânat.

¹⁸ Mo a nâinâ itâ sâbap? Gâ nângâm pâlâtân zemgigap. Nâ ko buku orotnâ zemnigap. Nângâm pâlâtânngâ buku orotnâ bunâ, zo tirâpnona ikpâ. Oi nâ buku orotnânngât nep tuum nângâm pâlâtânngânngât bonnâ tirâpgobat.

¹⁹ Anutu kânok ândiap, den zo nângâm kwâtâtemat. Gâ zo yatâ nângâm kwâtâtem sumbengât sinji uan sâmat. Ka zitâ sâ nângâ. Wâke zinâ zo yatâ nângâm Anutugât kenngât op sânmziñ sâmbumap.

²⁰ Gâ a um kwamen, nângâm pâlâtân sot buku orot bunâ. Nângâm pâlâtânngâ zo yennâ.

Abaram sot Rahaba zet nângâm pâlâtân op bonnâ muyagiwet.

²¹ Nângâm pâlâtân bonnâ zorat sa nângâ. Sâkunniñâ Abaram, zâkkât nanngâ Kembangât sinji sâmbap sâmbap Anutunâ nângi tosanâ bun oip. Zo orot mâmenngânngât yatâ oip.

²² Oi itâ nângâ. Abaramngât nângâm pâlâtân zo orot mâmenngânngât beknjan meip. Oi nângâm pâlâtânngâ târokwaî patâ oip.

²³ Oi zorat Abaramngât den kulem nâi itâ ziap, “Abaram zâk Anutugât dinâ nângi bon oipkât Anutunâ zâkkât nângi târarak oip.”

Oi zorat Abaramngât itâ sâwe, “Zâk Anutugât buku kânok.”

24 Iknek. Anutu zâk a nâi nânġâm pâlâtânġanġârâk egi tosanġa buġ mân upap. Egi buku orotġanġât nep mâpot tuugi tosanġa buġ upap.

25 Oi yatik narâk nâin Anutuġa Kanaan hân zo Isirae zenġât siġi sâi laġ mâman ambân Rahaba, zâkġa Anutugât den nânġi bon oi Isirae a zagât hân ek mânânġârâwet, zet zâkkâren ġaitâ buku otzikâm tik mâtâp zâpari âiwet. Rahaba zâk buku orotġanġât nep tuugipkât Anutuġa nânġi tosanġa buġ oip.

26 Zorat itâ ziap. Sâk zâk kaapumġa buġ op mumuġa muyagemap, zo yatigâk buku orotġa buġ oi nânġâm pâlâtânġa zo mumuġa opmap.

3

Nâmbâlamniġ galem utnat.

1-2 Bukurâpnâ, nen aksik patâ sâm tâpâkumen, zorat zenġâren ġâbâ donġbepġa um bâbâlaġ kwâkâziġġâziġġân nep tuunat mân sâbi. Nânġânek. Den sâm kwâkâkwâkân narâkġan Kembuġa kwâkâziġġâziġġân a nen den bâliġa sâm ândimen, zorat hâuġa yâmbâtġa niġġâbap. Nen aksik patâ âsâbânġ sâm tâpâkumen. A nâiġa den bâliġ mân sâbap, zâkkât a âlip, târârak sâsânġ. Yatâ zorânġ um sâkġanġât âlip upapkât nep tuubap.

3 Bâu patâ biosi zen dinniġa lubigât lâuziġan tâk kâtik pamen. Zo pam kwâkġan tap mem purikġurik tuugindâ âime.

4 Waġġâġât yatik nânġâme. Zen patâ oi pibâ kâtikġandâ kom alei âime. Oi mâbugwâbure

tuutuunĵa mâiktârâ zo mem mâburine mâtâp âiain
dâp âimap.

⁵ Oi a nâmbâlam zo yatik mâiktârâ, zo kut nĵai
nĵai yâmbâtĵa op zâimap.

Nânĵe. Kârâp zâk mâiktârâ. Yatâ zorânĵ hi-
bugân pâindâ sem nanĵâmap.

⁶ Nâmbâlamziĵ zo kârâp yatâ. Zâkĵa sâk toren
walâziĵĵâm bâliĵanĵât mam op nep tuumapĵa
um sâkniĵ sumunkomap. Oi ândiândiniĵa oi
semap. Zikĵa ko sim kârâbân ĵâbâ kârâp sâugi
semap.

⁷ Zuu top top saruin sot hânân sot nii, mulum,
zo anĵa mem sândukĵan kwatziĵĵâmen.

⁸ Nâmbâlam ko a nĵainĵa dap op mem sândukĵan
kwâpap? Zâk âkonĵa buĵa, purikgurik op bâliĵa
memap. Mulum kâtik, kwaru yatâ.

⁹ Nâmbâlamniĵandâ Kembu Ibâniĵ sâm âlip
kwapmen. Oi nâmbâlamniĵandik a Anutugât holi
tobat sâm bâliĵ kwatziĵĵâmen. Lâu zobik den âlip
sot bâliĵa ĵemap.

¹⁰ Bukurâpnâ, yatâ zorânĵ mân dâp uap.

¹¹ Dabân yatâ too sinĵan zobigâk naamĵa sot
kâlakĵa mâpot ĵem ĵâbabot?

¹² Bukurâp, koserân dap yatâ kolinĵ muyagibap?
Mo samân dap yatâ zâlâli muyagibap? Mo sarunĵa
samĵa upap?

Nânĵânĵĵa uren ĵok sot âmbiren ĵok.

¹³ Zeĵĵâren ĵâbâ nânĵânĵĵa a mo nânĵâm
upme, zo ândie? Zâk lumbeĵa ândim orot mâme
âlip muyagem ândei nânĵânĵĵanĵanĵât topĵa
muyagei a ikpi.

14 Oi zenğât umziņan um kâlak sot um zâizâiņ zeî sâkziņ mem zâim den bon nânģen sâne sarâ upap.

15 Nânģânâņģâ mâtâp zo ubâ gâip mân sâsâņ. Buņâ. Nânģânâņģâ zo hânân gokņâ. Ayân gok. Satanģâren gok.

16 Kâsa kâsa, um kâlak sot zâizâiņ zimbap, zo yatik kâsâp sot sumunņâ zo zem zâibap.

17 Nânģânâņģâ uren gokņâ, zorâņâ ko mâtâp âlip itâ muyagemap. Um salek, lumbenâ, sât lulu, buku orot sot siņģi âlipkât bonņâ nâmbutņâ. Um zagât mo sarâ ândiândiņ buņâ.

18 Lumbenâņģât nep tuume, zen ariķņâ kâmitne târârakņanģât bonņâ muyageziņģâmap.

4

Sâknam nep tuum bon mân muyamuyagiņ.

1 Zenģâren kâsa sot kâmbam zemap, zo top wangât? Sâkkât âķņâle zemap, zorâņ kâmbamģât nep tuumap.

2 Zen um sâkkât âķņâle op kut ņâi mân mime. Kâmbam kom kâsa op kut ņâi mân mime. Zen ninâu buņ ândime, zorat.

3 Oi zen kut ņâigât ninâu sâm âim ma ko mân mime, zo ko umziņan den bâliņâ zeî ninâu sâme. Zen itâ nânģâme, “Kut ņâi zo muyageniņģi kâtigem um sâkniņanģât âķņâle zorat bonņâ muyaginat.”

Umniņandâ ņâin ņâin mân nânģânat.

4 Haai, târotâro mânâmânâņģât zen. Hânân kut ņâi ņâi ziap, zorat siņģi ândibanņâ Anutu kândâtkuban. Zo nânģe mo buņâ? Zorat ņâi zâk

hânân kut nâi nâi ziap, zo buku okņangâbapņâ Anutu kâsa okņangâbap.

⁵ Mo den kulem nâi ziap, zo nângâne yen opmap? Den zo itâ,

“Umniņan Kaapum pâip, zo zâkkât siņgiyâk ândibapkât kâtigemap.”

⁶ Den kulem nâi ko itâ ziap,

“Tânnângonâņgoņ, zo doņbep niņgâmap.”

Zorat den nâi itâ ziap,

“Anutu zâk a zâizâiņ zengât tân kwâkâmap.

Ka a ziņangât nângâne gemap, zo ko tânzâņgozâņgoņ zo ziņgâmap.”

⁷ Zorat Anutu um topņan gigiņ op ândibi. Oi Satan kâsa minņangâne birâziņgâm âibap.

⁸ Zen Anutu mâte okņangâne zâkoot zen mâte otziņgâbap. Bâliņ mâme a ambân, zen bâliņâziņâ saņgon birânek. Âi kom ga kom upme, zen umziņ saņgone salek oik.

⁹ Zen topziņ nâņgâm biraņņâ isem umbâlâ upi. Girâņziņâ zo melâņ umbâlâ upi. Oi sâtârezziņ zo melâņ girâp isebi.

¹⁰ Kembugât mâteņan umziņ diim ge ândine zâkņâ mem zaatziņgâbap.

Kembu mân walâm ândinat.

¹¹⁻¹² Bukurâpnâ. Gurumin den mariņâ sot sâm kwâkâkwâkâņ a kânok ândiap. Zâk zâņgobap mo kubikziņgâm birâziņgâbap, zorat imbaņâ zemņangap. Zen ko sâm bâliņ mân upi. Nâi zâk bukuņâ sâm bâliņ kwap hâuņangât den sâbap, zâkņâ gurumin den sâm bâliņ kwap kândaņbap. Gâ gurumin den sâm bâliņ kwap kândaņban zo ko sât luluņ a mân op, sâm kwâkâkwâkâņ a upan.

Gurumin den mariñâ sot sâm kwâkâkwâkâñ a kânok ândiap. Zâk zângobap mo kubikziñgâm birâziñgâbap, zorat imbanâ zemñângap. Gâ wangandâ bukugangât den hâuñâ sâban? Zo Kembugât nep.

Kembuñâ nângâniñgi kut ñâi utnat.

¹³⁻¹⁶ Bâi, itâ nângânek. Zen itâ sâme, “Itârân mo mukan kamân zoren âi kut ñâi ñâi anğâgwanğâ op kât sikum mem ândeindâ kendon zi âki âburinat.” Zen zâizâiñ den sâm sâkziñ mem zâime. Zâizâiñ den zo bâliñâ. Mukan zo mo zo muyagibap, zo zen mân nâñge. Mo ândiândiziñâ zo dap yatâ? Zo kaapum yatâ. Zo mâik ñâi muyagem zorâñak buñ upap. Zorat itâ sânetâ dâp upap, “Kembuñâ nângâniñgi wâgân ândim yatâ mo yatâ utnat.”

¹⁷ Ñâi zâk mâtâp âlipñâ zo ekñâ lan birâbap zo ko tosa muyagibap.

5

A kât sikumgât âkñâle upme, zengât den.

¹ Kât sikum a zen sâknam muyageziñgâbap, zorat kânñan isem umbâlâ utnek.

² Irâ sikumziñ alâgem buñ upap. Oi pet hâmbâziñ mem ândime, zo hângât siñgi.

³ Narâk pânkânok oi zen sikum motziñ min-duwe, zo birâbi. Goide kât sot kâtziñâ zo bâliñ opñâ hân oi zorâñâ topziñâ sapsubap. Kârâpñâ yatâ ziñgesei sâknam nângâbi.

⁴ Nângânek. A nepziñ hibuk urine kâitzânğom nep sângân diim gei ziñgawe. Oi kâlamziñan

bon mimiņ nep tuuwe, zen yatik otziņgâne isene sumbem kâwali a zengât Kembu kindapņan giarip.

⁵ Sikum a ziņ hânân sâknam kâbâ yâmbât buņ ândim âkņâliwe. Nen bâu nalem ziņgindâ nem lâmbatne zâņgom om nimen. Zen zo yatâ sii nalem patâ nem ândimņâ kâmbamgât siņgi op narâk patin bâu yatâ zâņgom tâmbetzâņgobi.

⁶ Sikum a ziņ a târârak diņâ sâm kwâkâm laņ kâmbamân parâwe. Zâk sâkņanġât hâuņâ mân sâip.

Sâknam kwâkņan ândim Kembu patâniņ ġâbapkât mambât ândinat.

⁷ Bukurâpnâ, zen Kembu ġâbapkât mambât âkon buņ ândibi. Nâņge. Nep mariņâ ņâiņâ nep kârâm kâmit nalem bonņâ âsagibapkât mambât ândimap. Oi maa sot map dâbâk oitâ bonņâ lâmbatpapkât nâņgâm ândimap.

⁸ Oi Kembangât narâkņâ pârķânok uapkât zen âkon buņâ mambât ândim umziņ tângune kâtigibap.

⁹ Bukurâp, zen a torenņâ mân sâm bâliņ kwatziņġâbi. Kuk den mân dâzâņgobi. Patâņâ gam hâuņâ ziņġâbapkât. Nâņġânek. Patâniņâ zâk hâņgi kândâtņan ga kinzap.

¹⁰ Bukurâpnâ, Propete Kembangât sâtkât den sâweņâ sâknam kwâkņan ândim kâtigiwe. Zengât mâtâp zo lânġbi.

¹¹ Nâņge. Sâknam kwâkņan kâtigem ândiwe, zengât nâņgindâ âlip uap. Hiobe zâk sâknam kwâkņan ândim mân loreip. Zâkkât den siņgi nâņge. Oi Kembuņâ um nâņgâm bet kut

ņaiņai ālipņā pindip, zo nāņge. Kembugāt tanzāņgozāņgoņ sot buku orotņā patā ziap.

Sām kâtik den.

¹² Bukurâpnâ, denņai zi sa nāņgânek. Zen sumbemân mândâm den sām kâtigime. Zen hânân kwap den sām kâtigime mo kutņaiņaiyân kwap den sām kâtigime. Zo mân upi. Zen dinziņā perâkņakkât bonņā perâkņagâk âsagibap. Mo buņā sâne buņ upap. Zo tosa muyagibegât yatâ upi.

Mâsek zine kutņai upi.

¹³ Zeņgâren gâbâ aņaiņā sâknâmân ândibap, zâk Anutugâren ninâu sâbap. Ņai zâk sâtâre op ândibap, zâk mâpâmâpâse kep mimbap.

¹⁴ Zeņgâren aņai mâsek upap, zâkņā Yesugât kâmut a sâtņā sâi gam zâkkât op ninâu sâbi. Oi Kembugât kot sâm kelâk too sanġonġanġâbi.

¹⁵ Zen nāņgâm pâlâtâņân ninâu sâsâņ, zorâņ mâsekņā kubikpap. Kembuņā a zo tâņgoi ālipņā upap. Tosanā oip, zo gulipkubap.

¹⁶ Zorat zen ālip upigât bâlîņâziņā sapsun ninâuņā tânagobi. A târârakņai ninâu sâi im-baņoot upap.

¹⁷ Propete Elia, zâk a nen yatâ. Zâk map mân gibapkât kâtigem ninâu sâip. Ninâu sâi kendon patâ karâmbut sot kâin nâmburân kânok zorat umņan map mân gem zeip.

¹⁸ Oi bet dum ninâu sâi sumbemân gâbâ map gei hânân kutņaiņai kâmņā takip.

Gulip orotņā zo diiziņgâne gabi.

19-20 Bukurâp, zengâren gâbâ nâi zâk den bonnâ zorât mâtâp, zo birâm walâm ari buku nâiñâ diigi âburem gâbap, zo ko zâk itâ nângâbap, “Nâi zâk bukuñâ mâtâp bâliñan gâbâ diimñâ Anutugâren pâi Anutuñâ a zorat tosa donbep gulipkubap. Oi a zo um dâpñâ mumuñangât sinji oibân gâbâ mâkâbap.”

Zo yatik.

SINGI ÂLIP EKAP
The New Testament in the Komba Language of Papua
New Guinea
Nupela Testamen long tokples Komba long Niugini
copyright © 1980 Wycliffe Bible Translators, Inc.

Language: Komba

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

PDF generated using Haiola and XeLaTeX on 18 Apr 2025 from source files dated 31 Aug 2023

8e5b8dff-a54f-5e56-9b8c-1906f06b22d1